

Le dotur Eduard Agreiter é demez danmisdé i dis di 11, 12 y 13 de merz.

Aldiënza dla defensuria zivica l'ater vëndres, ai 8 de merz, dales 14.00 ales 17.00 tl salf di Stödafüch a San Martin - prenotaziuns 0471 946 020

PLOANIES SAN MARTIN Y LUNGIARÜ

En vëndres, ai 08 de merz, dales 20.00, vëgnel tigní tla stüa dla ciasa de nosc Sant a Oies l'ora de oraziun tla forma de Taizé. Düc é bel inviá.

Staziuns a Oies! L'atra sabeda, ai 16 de merz, se metará indò i ministranc y les schires joniles dla Val Badia sön tru por dí les Staziuns. An piará ia düc adöm da San Linert dan colonia dales 14.45 y jará deboriada en prozesciun cina sö Oies, dijon les Staziuns! Tl caje de bur tēmp s'incuntarán diretamēter a Oies dales 15,15. Dedò gnarál zebré la Santa Mëssa sö Oies cun n pice buffet y aorela cörta ala fin. Düc é dër bel inviá da tó pert!

SAN MARTIN

Dër bel dilan dles ofertes en recordanza de Pio Baldissera da pert: fam. Crepez Leo y Monica, fam. Costabiei Hermann, Dejaco Pepi y Romi, Clara Clemente, fam. Vanzi Klaus, fam. Vanzi Paolo y Daniela, fioc Albert, fam. Chizzali Iarone, fam. Gasser Tone y da jormans.

LUNGIARÜ

Al vëgn chiri jogn o jones o ince geniturs che dëida da se dé jö cun le grup di ministranc, da i insigné jö y/o da fá impara val' ativité tl tēmp lēde. Chi che s'la sint da daidé para é dër bel peria da tó sö contat cun Christian 389 29 00 000. -----

Les iscriziuns ales Scores de musiga dla Provinzia por l'ann de scora 2024/25 é da fá "online" dal 01 de merz cina ai 31 de merz 2024 tres le sorvisc dl'aministrazion provinziála "myCivis" <https://civis.bz.it/einschreibung-musikschule> L'azes al sorvisc online vá tres SPID, CIE (cherta d'identité eletronica) o cun la "cherta di sorvisc" ativada. Informaziuns plü avisa www.musikschule.it - Secretariat Scora de musiga La Ila: Tel. 0471/847748.

„Ecuiliber - era, laur, uma, fomena, laur de ciasa, hobbies: l'ert da ciafé le dër ecuiliber“ - sëra de informaziun y discusciun cun Paul Felix Rigo, en mercui, ai 06 de merz, dales 20:00, a La Ila tl salf dla Cassa Raiffeisen. La Uniun dles Ères tl Artejanat en colauraziun cun le Consëi de Formaziun Badia inviëia dotes les ères da tó pert.

I esplorun adöm i dinosaurs y tiers preistorics tles Dolomites y depenjun nosc saur de lëgn. Laboratore creatif söi dinosaurs, por mituns y mitans da 4 a 8 agn en vëndres ai 15 de merz dales 15.00 - 16.30 tl Museum Ursus ladnicus a San Ciascian. Prisc 5 €; max. 15 partezipanc Prenotaziun y informaziuns 0474 524 020 o por email prenotaziuns@museumladin.it



unitepastorala.org

Plata dles Ploanies San Martin y Lungiarü

ploan siur Klaus Sottsas 344 15 54 055 - ksottsas@rolmail.net

redaziun: anton.gasser@rolmail.net - 348 27 44 517 / 0474 523 194

03.03. - 10.03.24 n. 14

ultimo termo por comunicaziuns: jöbia, dales 20.00

3ª Domënia de Carsëma - ann B

Vangele do san Jan 2,13-25


La festa de Pasca di iüdes ê daimprò, y Gejù é jü sö Ierùsalem. Tl tēmpl àl urté i sciacri de armënc, bisces y colombes y i ingiamiadus de scioldi, che ê sentà dailò. Do ch'al â fat na scoriada de cordes i àl parè düc fora dl tēmpl dijon: Jide demez cun chësc patüc, ne stede a fà fora dla ciasa de mi Pere n salf da marcé. Sü discepu se recordâ dla parora dla Scritöra: La pasciun por mia ciasa me consumëia. I iüdes l'â tut a cunt: Cî sëgn nes làsceste pa odëi por desmostrè che te pos fà chësc? Gejù ti à respognü: Tirede jö chësc tēmpl, te trëi dis le fajarài indò sö. Dailò à dit i iüdes: Carantësis agn alalungia él gnü frabiché pro chësc tēmpl, y tó ôs le fà sö te trëi dis? Mo èl minâ le tēmpl de so corp.



Ala domanda di iüdes spo, cun ci potesté che Gejù podò fá chësc, respogn Gejù cun na resposta che dá da capí che èl instës é le tēmpl de Dî, che sce ai le tira jö, le fajarál sö te trëi dis, ponsan a süa mort y ressureziun.

Mo tla Sacra Scritöra stál ince: "O s'ëise forsc desmentié, che osc corp é tēmpl dl Spirit Sant? Viede porchël aladò ch'i ti portëise onur a Chël Bel Dî!"

Inultima vára dla purificaziun de nosc tēmpl, de nosta vita, de nosc daite y defora. Ne sunse mine instësc diventá datrai na plaza da marcé? Olache i afars implësc fora na buna pert de nüsc pinsiers y al vel ma ci che á valüta de scioldi, olach'i se metun ion instësc en mostra y orun valëi val' pro la jënt, olach'i ne pisimun nia da dé jö iudizi sura i atri. Da döt chësc ó Gejù nes delibré y purifiché nosc tēmpl. - La buna notizia de chësta domënia: I sun instësc tēmpl de Dî.

EDEMA	SAN MARTIN	LUNGIARÜ	 Tl mëis de merz periunse do l'intenziun dl Papa
03.03.24 3^a Domènia de Carsëma <i>De dla solidaritè KVW-ACLI</i>	9.30 Les Staziuns 10.00 Liturgia dla Parora	7.50 Les Staziuns (<i>pater Franz</i>) 8.15 Gran Mëssa por la Comunità De Mondial d'Oraziun dles Ères cun oferta dl ann + Serafin Clara + Vito Clara, Somví dl ann + Johanna Schanung, Iachin + Frida Dapoz	<p><i>I periun por chi che mèt sura döt le monn süa vita al prigo por le vangele, ch'ai ti taches so coraje y so entusiasms miscionar a dōta la Dlijia.</i></p> <p>3^a Domènia de Carsëma - ann B</p> <p>La scena de chëra ch'i aldiun tl vangele da incō á dessigü porté pro, che Gejú é gnü condané ala mort söla crusc. Te chësc comportamënt vëgnel a löm sciöche Gejú se comportâ ince zënza, canch'ara se tratâ da sté ite por so Pere tl cil. Dailó ne bazilâl nia.</p> <p>Do che i iüdes â odü le tēmpl de Jerusalem (tan dí ch'al ê resté impé) sciöche le post dla presënza de Chël Bel Dî, insciö vëiga la comunité cristiana te Gejú le sēgn dla presënza de Dî te nosc monn.</p> <p>Tl ann 70 do Gejú Crist é le tēmpl gnü desdrüt. Canche l'autur dl vangele do san Jan â scrit incēr l'ann 100 do G.C. le test che nes vëgn lit dant incō, ê le tēmpl bele desdrüt. An savô ch'al ne foss nia plü gnü fat sö, no te trëi dis, no te n tēmp plü lunch.</p> <p>Y impó êl chiló, te Gejú mort y ressorí, na presënza de Dî daldöt nöia. So amur, süa vijinanza dōra inant. Chësc êl i pröms cristians che sintí, y chësta esperiënza podunse ince nos fá.</p> <p>Le comportamënt de Gejú nes inviëia ince nos da jí cun deztijiun por trus dl amur y da ne se taché nia a usanzas y tendënzes zënza jí a funz dles cosses. Chësc êl sté Gejú che nes á vit dant, concretamēter canch'al á paré i comerzanc fora dl tēmpl.</p> <p>N ater sēgn scandalus de Gejú por le monn da laota é stada inultima süa mort söla crusc. Sciöche san Paul nes dij tla secunda letōra: n sēgn che é da tec por la sapiënza, mo che nes mèt a ponsé y nes inviëia da vire l'amur cina al'ultima consequënza - ince y propi incō. (K.R.S.)</p>
04.03.24 Lönesc <i>Casimir, Adrian, Tofil</i>		7.50 Mëssa di scolars + Sepl Clara, Sanví	
05.03.24 Dedolönesc <i>Oliva, Dietmar</i>	8.00 Mëssa por benefactors y jënt dla Ciasa de Palsa + + + Sepl, Sabina y Milio Flöss + Florian Piazza		
06.03.24 Dedemesaledema <i>Fridolin, Coleta</i>	18.00 Les Staziuns	7.30 Mëssa + siur Stachio y suor Maria Lucia Clara	
07.03.24 Jöbia <i>Perpetua y Felizita, Reinhard</i>	18.30 Mëssa + Clara Sorà, dl ann + siur Josef Knapp		
08.03.24 Vëndres <i>Jan de Dî, Michael</i>	18.30 Adoraziun chîta 19.00 Adoraziun de Carsëma	7.30 Mëssa + Costantino Mischi 16.30 Les Staziuns cun scolars y families	
09.03.24 Sabeda <i>Bruno, Domenico Savio</i>	18.30 Mëssa prefestia + Giovanni Rubatscher + Augustin Clement + Pasquale Schuen		
10.03.24 4^a Domènia de Carsëma "Laetare!" <i>De di Seminars dla diozeja</i>	9.30 Les Staziuns (<i>siur Klaus</i>) 10.00 Gran Mëssa por la Comunità presentaziun di mituns y dles mitans dla pröma comuniun de rengr. fam. Lorenz Planatscher + Tone Unterweger, dl ann + Loise Ploner Unterweger + + Costabiei y Tavella	7.50 Les Staziuns (<i>siur Klaus</i>) 8.15 Gran Mëssa por la Comunità + + dla fam. Martin Clara + Cecilia Mischi Clara + Isidoro Clara	